

352 O kon ek jubel Hemelvader

Johann Mentzer (1658 - 1734) *J.B. König (1738)*

1 O kon ek ju-bel, He-mel - va - der, met dui-send mon-de tot u eer

hoe sou ek jui-gend tot U na - der en U my danklied bring, o Heer!

Ek sou u roem en lof ver-meld, u won-der-da-de, on - ge - teld!

9.8.9.8.8.8. *O dass ich tausend Zungen hätte*

O kon ek U besing na waarde tot waar die son sy baan beskryf,
 en sterre, ver bokant die aarde, geruisloos meld u heerlikheid!
 O kon ek tog die lof besing wat ek so graag aan U wil bring!

Laat alles wat op aarde lewe, die berge, bosse, see en meer,
 my onvolkome lof en bede in stilte aanvul, tot u eer!
 Saam sal ons oor u goedheid juig; aan U ons dankbaarheid betuig.

My swakke dank- en smeekgebede - wil dit genadig, Heer, aanvaar.
 Eens neem ek, swerwer in die hede, my plek in by die engelskaar.
 Dan jubel ek, verlos, o Heer, met lofgesange tot u eer!